

877

Bosna i Hercegovina  
Federacija Bosne i Hercegovine



Bosnia and Herzegovina  
Federation of Bosnia and Herzegovina

**KANTON SARAJEVO**  
Ministarstvo komunalne  
privrede i infrastrukture

**CANTON SARAJEVO**  
Ministry of Communal Economy and  
Infrastructure

Broj: 27-01-05-12426/17

Sarajevo, 15.06.17 godine

## SKUPŠTINA KANTONA SARAJEVO

-Ovdje -

Zastupnica **Neira Dizdarević**, je na 27. Radnoj sjednici Skupštine Kantona Sarajevo, održanoj dana 10.04.2017 godine, u okviru tačke Dnevnog reda, "Zastupnička pitanja, inicijative i odgovori", u skladu sa Poslovníkom Skupštine Kantona Sarajevo, postavila zastupničko pitanje.

Zastupničko pitanje je slijedećeg sadržaja:

**"Naime, član 18. stav 3. Uredbe o opštim uslovima za proizvodnju, isporuku i korištenje toplotne energije (Sl Novine KS br 22/!6, od 02.6.2016. godine), navodi da:**

**"sezona grijanja završava nakon što se u prethodna 2 uzastopna dana utvrdi srednja dnevna temperatura spoljašnjeg vazduha viša od 12° Celzijusa, a prema podacima nadležne meteorološke službe, i to najranije 15.aprila."**

**"Pitanje građana glasi: Zašto su radijatori više dana u mjesecu martu i aprilu tekuće godine bili hladni, a ovom Uredbom je definisana obaveza grijanja do 15 aprila ?**

**"Par toplijih dana u mjesecu martu i početkom aprila, kada su zabilježeni temperature više od 12° Celzijusa, svakako ne znače da su stanovi topli i da grijanje nije potrebno, posebno jer je Uredbom definisano da do prekida grijanja može doći najranije 15. aprila.**

**"Molim resorno ministarstvo za pojašnjenje."**

U skladu sa stavom Vlade Kantona Sarajevo da odgovore na poslaničko/zastupničko pitanje ili inicijativu daje resorno ministarstvo, Ministarstvo komunalne privrede i infrastrukture Kantona Sarajevo daje slijedeći,

- odgovor -

Skupština Kantona Sarajevo je predmetni akt sa prilogom zastupničko pitanje Neire Dizdarević dostavilo resornom ministarstvu tj. Ministarstvu komunalne privrede i infrastrukture Kantona Sarajevo u Sektor komunalnih djelatnosti, Odjeljenju tehničkih poslova, 11.05.2017. godine.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086, Fax: + 387 (0) 33 562-177  
Sarajevo, Reisa Džemaludina Čauševića 1



Postupajući u skladu sa svojim nadležnostima Ministarstvo komunalne privrede i infrastrukture Kantona Sarajevo, a u vezi pripreme odgovor na postavljena zastupničko pitanja uvažene zastupnice Neire Dizdarević, uputili predmetni akt broj: 27-01-05-12426 od 16.05.2017 godine KJKP "Toplane – Sarajevo" d.o.o. Sarajevo na nadležno postupanje odnosno da dostavi traženi odgovor.

U skladu sa navedenim, KJKP "Toplane – Sarajevo" d.o.o. Sarajevo je aktom broj:03-02-01-2187/16 od 13.05.2016. god. Dostavili su traženi odgovor kojeg u cijelosti prenosimo:

"Izjašnjavajući se na zastupničko pitanje, u vezi režima isporuke toplotne energije u sezoni grijanja, koju vrši KJKP "Toplane – Sarajevo" d.o.o. Sarajevo, dajemo slijedeći odgovor:

Uredbom o opštim uslovima za proizvodnju, isporuku i korištenje toplotne energije (Sl novine Kantona Sarajevo 22/16) određene su obaveze davaoca usluge, kao i režim proizvodnje i isporuke toplotne energije (čl. 18., 19. i 20.), kojih smo se u potpunosti pridržavali tokom protekle sezone grijanja 2016/2017 godine. Isporuka toplotne energije vršena je prema utvrđenom dnevnom režimu, a pri radu nije bilo evidentiranih nepravilnosti.

Naime, režim isporuke toplotne energije zavisi od područja i karakteristika objekata (prije svega sa aspekta toplotne izolacije objekta) koje dana kotlovnica zagrijava i garantuje da će temperatura prostorija u objektu biti u skladu sa projektovanim, u vremenu od 06:00 do 22:00 sata. Zahvaljujući akumulaciji toplote, i nakon prekida proizvodnje toplotne energije isporučena toplota u stanovima zadržava se i poslije dnevnog prekida u isporuci (temperatura zagrijavane vode u cijevima odgovara vanjskoj temperaturi).

KJKP "Toplane – Sarajevo" d.o.o. Sarajevo redovno dobivaju mjerodavne vanjske temperature od strane Federalnog hidrometeorološkog zavoda u Sarajevu, i u skladu sa njima kontroliraju parametre medija za isporuku toplotne energije.

U cilju isporuke toplotne energije standardnog kvaliteta redovno se sačinjavaju izvještaji o dnevnoj isporuci toplotne energije. Kotlovnice počinju sa radom u 05:00 sati ujutro u toku sezone grijanja (radi dostizanja dijagrama temperatura), a prestaju sa radom, u skladu sa vanjskim temperaturama.

Pojašnjavamo da se prema vanjskoj temperaturi automatski vrši regulacija odlazne temperature u postrojenju i zatvaranje na odlaznim vodovima prema objektu. Takav je režim isporuke prema projektnim i opštim uslovima važećim za Kanton Sarajevo.

Dakle, na vanjskim temperaturama od 14°C i više, automatike se zatvaraju same, jer je projektnim proračunima predviđeno da stanovi na toj temperaturi imaju toplotnu izolaciju zaštite, takvu da unutarnja temperatura bude  $20 \pm 1^{\circ}\text{C}$ , što je u skladu sa odredbama pomenute Uredbe.

S poštovanjem,



Dostaviti:

1. Naslovu
2. Stručnoj službi Vlade Kantona Sarajevo
3. Evidencija
4. Arhiva



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086, Fax: + 387 (0) 33 562-177  
Sarajevo, Reisa Džemaludina Čauševića 1

